

Cabernet Sauvignon - najbolje svjetske regije za uzgoj sorte

Naslov originala: The World's Best Places for Growing Cabernet Sauvignon;

Izvor: <https://vinepair.com/>

Objavljeno: 21.09.2018. by Tim McKirdy, slike: Danielle Grinberg

Prevod: Dragutin Mijatović

Cabernet Sauvignon je međunarodna priča o uspjehu, sorta zasađena u gotovo svakoj vinskoj regiji širom svijeta. Njegova rasprostranjena popularnost rezultat je izuzetne raznovrsnosti grožđa i vina. Jedna od devet plemenitih crnih sorti, Cabernet Sauvignon je podjednako impresivan u mješavinama i pojedinačnim sortnim vinima, te nudi izuzetna vina u svim nivoima cijena. Sorta regiona Bordeaux rođena je kao hibrid između crne sorte Cabernet Franc i bijele sorte Sauvignon Blanc. Sazrijeva relativno kasno u vegetaciji, dajući vina sa crnim voćem i hrapavim taninima. Ova taninska struktura omogućava vinima da stare decenijama, ali neuspjeh da se dostigne puna zrelost u vinogradu može rezultirati u „zelenim“ vinima sa gorkim okusom.

U hladnijim regijama, Cabernet Sauvignon daje kruta vina koja zahtijevaju nekoliko godina starenja. Da bi bio pristupačniji, vinari ga miješaju sa crnim sortama nižih tanina, kao što je Merlot. U toplijim krajevima, grožđe može lako da dostigne punu zrelost, a vinari mogu odabrati sortna vina ili mješavine, spremne za piće neposredno nakon proizvodnje. U svom mlađem, svježijem izgledu, Cabernet Sauvignon je bogat pikantnim crnim voćnim okusima, sa zeljastim notama i povremenim tragom zelene paprike. U svojoj bogatoj formi, crne note voća su super zrele, slične kompotu ili konzervisanim bobicama. Vino Cabernet Sauvignon gotovo uvijek prolazi kroz period starenja u hrastovim buradima, proces koji dodatno pomaže omekšavanju tanina. Istodobno dozrijevanje u hrastovom buretu dodaje neke od klasičnih aroma i okusa povezanih sa odležanim vinom Cabernet Sauvignon, uključujući mirise vanilije, kedra i kutije od cigara.

Od raznih sorti za mješanje, do brojnih vinarskih stilova i praksi, evo svega što trebate znati o sorti Cabernet Sauvignon gajenom širom svijeta.

Fracuska (France)

Francuska je najveći proizvođač grožđa sorte Cabernet Sauvignon na svijetu, zasađeno je više od 55.000 hektara. Proizvodnja je usredsređena na rodni Bordeaux, posebno na lijevoj obali rijeke Gironde, u dobro isušanim zemljištima Médoc i Graves. U ovom dijelu svijeta, Cabernet Sauvignon je protagonist u pažljivo proračunatim mješavinama, koje se redovno pojavljuju uz Merlot i Cabernet Franc, a povremeno i Petit Verdot, Carménère i Malbec.

Bordeaux crvena mješavina je proslavljena proizvodnjom veličanstvenih vina, sposobnih za starenje od 20 do 30 godina. Ova vina imaju tendenciju da budu puna, sa oporom crnom ribizlom i ljubičastim notama iz grožđa, kao i notama kedra i kutije cigara dobijenih starenjem u buretu francuskog hrasta. Ona pružaju fine primjere kako bi Cabernet Sauvignon Starog svijeta trebao mirisati i biti na okusu.

Velike površine pod sortom Cabernet Sauvignon su na jugozapadu Francuske, u regiji Languedoc-Roussillon. Ovdje se grožđe obično koristi na veliko za proizvodnju vina ***Vin de Pays*** ili **IGP**, iako region dobija priznanje za veći kvalitet.



Ujedinjene države Amerike (United States of America)

Godine 1976. sudbina američkog vinarstva zauvijek je promijenjena kada su Napa vina pomela francusku konkurenciju na slijepoj degustaciji vina u Parizu. Pobjeda je privukla pažnju na prethodno previđeni region i dokazala da bi vina iz Novog svijeta mogla konkurisati svojim prestižnijim prethodnicima iz Starog svijeta. Iako ukusno nijansiran, Cabernet Sauvignon francuske proizvodnje, kalifornijsko grožđe ima bogatiji karakter, pun zrelih crnih voćnih nota, plus slatki okus vanile i čokolade koji dolazi od starenja u buretu američkog hrasta. Toplija klima u regionu i sklonost vinara da ostave grožđe da visi na čokotu do apsolutne zrelosti, znači da je kalifornijski Cabernet "bolji" od vina kolega iz regiona Bordeaux, sa višim sadržajem alkohola i nižim kiselinama u vinu.

Dok se većina američke proizvodnje vina Cabernet Sauvignon odvija u Kaliforniji, gdje je vodeća sorta, država Washington također proizvodi ugledni Cabernet. Sa preko 20.000 hektara zasađenih vinovom lozom, Vašington je druga po veličini američka država u proizvodnji vina, nakon Kalifornije. Washington Cabernet Sauvignon je poznat po tome što ima svu zrelost kalifornijskog voća, uz dodatne finese stilova Starog svijeta.



Italija (Italy)

Dok je Cabernet Sauvignon pravio talase u Kaliforniji sredinom 1970-ih, sorta je dobijala slavu u Italiji. Šačica pobunjenih toskanskih vinara odlučila je da posadi sortu Cabernet Sauvignon, kršeći tradiciju zemlje da koristi samo domaće sorte grožđa. Proizveli su vina, mješavinu u koju su pored sorte Cabernet Sauvignon uključivali regionalne sorte Sangiovese i druge međunarodne sorte. Uključivanje strane sorte grožđa značilo je da ova vina ne pripadaju DOC klasifikacijskom sistemu, ali njihov izvanredan kvalitet im je omogućio da uspiju bez obzira na to. Neobičan stil postao je poznat kao Super Tuscans. Cabernet Sauvignon proizveden u Toskani daje slatke arome šljive i višnje. Vina Super Tuscans su poznata i po notama hrasta lužnjaka nalik duvanu koji potiču od starenja u francuskom hrastovom buretu (još jedno odstupanje od lokalne tradicije).



Australija (Australia)

Nakon sorte Shiraz, Cabernet Sauvignon je druga najzastupljenija australijska sorta grožđa. Iako vina potiču iz kasnih 1800-ih, prva australijska Cabernet vina počela su se pojavljivati 1970-ih. Posađene na tlu "terra rossa" u južnoj Australiji, Coonawarra region, ova vina su bila voćno-napredna, sa prepoznatljivim mintovskim tonovima. Danas se Cabernet Sauvignon brižno proizvodi i u drugim regijama Južne Australije, kao što su Barossa Valley, Clare Valley i McLaren Valley, kao i na zapadu zemlje u regionu Margaret River. Pored sortnih vina, grožđe je uklopljeno u nacionalnu mješavinu sa sortom Shiraz, što pojačava njegov sočni karakter crnog voća.



Čile (Chile)

Cabernet Sauvignon je vodeća čileanska sorta grožđa. Južnoamerički narod ima bogatu raznolikost uticaja okoline, što znači da se vina proizvode u više različitih stilova. U područjima sa dolinama, gdje su uslovi topliji i sušniji, Cabernet ima sjajan stil sa mekšim taninima, slično Cabernet iz Napa Valley. U područjima gdje prevladavaju hladniji uticaji sa Tihog okeana ili gdje dominiraju plantaže na većoj visini, ima više strukturiranih vina, sa većim sadržajem tanina i notama svježeg crnog voća. Ovo su elegantna vina, koja liče na stil vina Bordeaux. Čileanski Cabernet Sauvignon pojavljuje se u čistom obliku, kao i u mješavinama sa drugim sortama iz regiona Bordeaux. Kao i u regionu Bordeaux, čileanski vinari dodaju Merlot za punoću, dok Carménère djeluje još bolje nego u svojoj rodnoj Francuskoj, dajući vinu zeljast zeleni karakter u crvenim mješavinama. Sa nižim cijenama, čileanski Cabernet Sauvignon je jednostavan i voćan, dizajniran da se konzumira mlad. Za više premium ponude, vinari koriste hrastovu burad i manje prinose grožđa u vinogradu kako bi povećali složenost i starosnu vrijednost.



Argentina

Dok je argentinsko vinarstvo sinonim sa sortom Malbec, postoje i značajni zasadi sa sortom Cabernet Sauvignon. Poput Čilea, jednostavna, svježija sortna vina obiluju niskim početnim nivoima cijena. Vrhunski Cabernet Sauvignon, koji se često proizvodi na višim vinogradima Uco Valley, dobijena starenje u hrastovim buradima i povremenim miješanjem sa sortom Malbec, dajući sofisticirana vina sa baršunastom strukturom.



Južna Afrika (South Africa)

Kao i za druge regije na ovoj listi, Cabernet Sauvignon je najrasprostranjenija crna sorta u Južnoj Africi. Pojavljuje se u sortnim i kombinovanim oblicima, pri čemu neki proizvođači favorizuju Bordeaux stil, a drugi ga miješaju sa sortom Syrah (Shiraz). Njegov karakter se nalazi negdje između Starog svijeta i Novog svijeta, sa ukusnom crnog bibera i notama paprike dopunjenim zrelim crnim voćem.



Kina (China)

Porast interesovanja Kine za vino nije ograničen samo na kupovinu, nacija brzo napreduje i u proizvodnji vina. Sa devet različitih regiona koji pokrivaju ogromne površine, još uvijek ne postoji jasno definisan stil kineskog vina Cabernet Sauvignon, iako je to najvažnija sorta po površini, jer čini oko 70% kineskih proizvedenih vina.

